

1. Mik'a ja yuj ja kajwal **C**

(Si no fuera por el señor)

Mik'a ja yuj ja kajwali Jas oj k'uluk ja ke'ni,

Jas oj k'uluk ja ke'ni, Jas oj k'uluk ja ke'ni.

Mik'a ja yuj ja kajwali Jas oj k'uluk ja ke'ni.

Ye`n wa skoltayon.

Kajwal, kajwal, ma` oj wajkotikon sok ,

We`na wi`oj ja ab'al b'a sak'anili.

2. ALELUYA **D**

(Aleluya cantamos todos)

Aleluya oj ts'eb'ontatik, (Aleluya) oj a`wanitik,

(Aleluya) oj ts'eb'ontatik b'a Dios b'a Dios.

Ye`n sk`ulanon yajk'achil , Sak'a ja kaltsili ,

sok sk`ulan lek

Stoyjel Dyos ja b'a xcha`anili amèn

3. Gusto`ayon **D**

(soy feliz jesus me ama a mi)

Gusto`ayon \\\ wa sk'anawon Jesús///

Gusto`ayon wa sk'anawon Jesús .

Ja Kristo wa sk'anawon Ja Kristo wa sk'anawon.

4. Ja sak'anil b'a kristi`ano D

(La vida del cristiano)

\\Ja sak'anil b'a kristiano jel gusto`il //

Gusto`il ja yajni Wa stseb'ontaj ,

Ja yajni Wa sk'uman ,

ja yajni wa smaklan , ja yab'al ja Diosi.

5. CRISTO MI CHAMELUK E

(Cristo no está muerto)

\\ Kristo mi chameluk , ja ye`ni sak'an //

Wa xkab' b'a jk'ab, wa xkab' b'a kok.,

Wa xkab' b'a spetsanil.

\\ A`a`aleluya /// stoyjel b'a rey.

6. K'ik'il mulal A

(Pecado negro)

K'ik'il mulal sta`a , ja Jesusi ja b'a kaltsili,

Sak'ata sok ja xchik'eli , sok ya` sakb'ukani,

Ja yab'ali wa xk'uman.

Ja b'a satk'inali waj sk'uluk

Tsamal luwar ja b'a ye'nle'i, ja mundo jak skolta.

7. Jun mandar D

(Un mandamiento)

Jun mandar , Dyos ya oj kitik ,
b´a oj yajtab´ajtik , b´a jpetsaniltik,
b´a oj yajtab´ajtik, b´a oj yajtab´atik,
b´a oj yajtab´ajtik, b´a jpetsaniltik.

8. B´a yojol k´e`el ko`el C

(adentro ,fuera, arriba)

B´a yojol, jwera, k´e`el ko`el jel gusto ´ayon.
B´a yojol, jwera, k´e`el, ko`el jel gusto`ayon.
Ja Kristo skoltayon ye`n sak´a ja kaltsili.
B´a yojol, jwera, k´e`el, ko`el jel gusto ayon.

9. Ta` sak´anotik E

(Pues si vivimos)

Ta sak´anotik , ja sb´aj ja kajwaltik
Tala chamtik , ja sb´a ja kajwaltik ,
a`nima sak´anotik , ma`chamelotik
ja sb´ajotik , ja kajwaltik

10. Jel tsamal ja sb'ìil Jesús **D**

(El nombre de Jesús es dulce)

Jel tsamal ja sb'ìil Jesús

Jel tsamal x-aj ja jk'ujoltik,

Ja ts'eb'ontatik ja ye`ni,

Jesús, Jesús, Jesús.

K'ekotik, k'ekotik, k'ekotik man b'a satk'inal

chamel k'ujuk mixa tey jmoktik,

kajwaltik Jesús ye`n yìajta,

k'ik'inal ya`el b'a jwera,

kajwaltik kristo ye`n oj wajtik sok.

11. Ay ipal ipal **E**

(Hay poder poder)

Ay ipal ipal mi` junxta ipal, b`a Jesús ja ma` chami.

Ay ipal ipal mi` junxta ipal, ja b'a chik' ye`n spek'a.

12. Ts'akatal ja kristo **D**

(Gracias a cristo)

I.- Ay ma`stupu ja jmultiki, mi lomuk ya`a sb'aj
ti ajiyon b'a k'ik'inal Jesús ya kilk'inal.

Coro: Sts'akatal, sts'akatal, sts'akatal ja Jesusi.
Sk'ulanonta perdonar sts'akatal, koltanub'alón yuj,
ja kajwal Jesús. Niwan juntiro Kristo Jesus

II.- Mandar ak'ub'alón aji` , jel tsats ja pukuji,
Jak sk'ulukon librar Jesús, jel niwan ja ye'ni.

III.- Je xyixtala'anón aji , jun montón ja jmuli,
tuk xa ja jpensar ja ya`ni, tupu b'alxa ja jmuli.

13. Libre, we`n wa el kon libre A

(libre tu me hicistes libre)

// Libre we`n wa elkon libre, yuj ja wa wipi. Libre yuj ja xchik`el ja Jesusi//

We`n wa elkon libre, spetsanil cadenas,

ja Jesusi stukb`eson, ja jas mi lekuki, kanta tsa`an.

Ja wego sok we`na, ja wego sok we`na ja wego sok we`na,
oj ajyukonamok

14. Ja syajtanel ja Dyosi. E

(El amor de Dios)

/// Ja syajtanel ja Dyosi jel tsamal.///

Jel niwan ja syajtanel ja Dyosi mi b`ob`wajkon mas
cha`an ja b`a ye`ni.

Jel jaman mi b`ob`wajkon b`a jwera ja b`a ye`ni.

Jel ko`el mi b`ob`wajkon man ko`el ja b`a ye`ni.

Jel niwan ja syajtanel ja Dyosi.

15. Ja syajal ja k'ujoli D

(Tu misericordia es mejor que la vida)

//Ja syajal ja wa k'ujoli, mas lek sok ja sak'anil //

Ja sts'umil jt'i wa stoyowa,

sok ja sak'anili oj sk'uluka bendisyar.

Ja b'a wa b'ili ja jk'abi oj like .

// Oj jlik ja jk'ab` ja b'a wa b'ili.//

Ja sts'umil jt'i wa stoyowa

sok ja sak'anili oj sk'uluka bendisyar.

Ja b'a wa b'ili ja jk'abi oj like .

16. Ja ma` wa smajla ja je`ovaji Dm

(Los que esperan en Jevová)

\\Ja ma` wa smajlan, ja ma wa smajlan, b'a Je`ovaji.//

\\jastal aguila// ja swech'e'i oj slik-e`

\\jastal aguila// ja swech'e'i oj slik-e`

oj ajnuke m` oj yajtijuke, oj b'ejyuke m` k'ub'umke.

\\Yaj k'achil yipe, oj sta`e,

ja ma` wa, smajlan b'a Je`oba//

17. Ja ke`ni ay ki oj gusto`il ja b`a

kaltsili A (Yo tengo gozo en mi corazon.)

Ay ki`oj gusto`il, gusto`il, ja b`a kaltsili
ja b`a kaltsili, ja b`a kaltsili.

Ay ki`oj gusto`il, gusto`il, ja b`a kaltsili
Yuj ja Kristo skoltayon.

18. Ja yipi slutu **Dm**

(Su gloria cubrio) Habacuc. 3:3, 4

//Ja yipi slutu ja satk`inali, ja lu`umi ja b`a stoyjeli.//

//Ja slijpelali jach jastal lijpum,

Jastal chawuk xlijpi, x-eljan ja b`a sk`ab`i.//

\\Sok tey ay tiw, nak`an ja yipi.//

19. Ja Dyosi ye`n yi oj spetsanil ja

mundo **C**

(Dios tiene a todo el mundo)

Ja Dyosi \\ ye`n yi oj ja mundo, b`a sk`ab`.//

yi oj, ja mundo b`a sk`ab`.

20. Ja yipi ja Je`oba ko`i ja b`a sina`i E

(La gloria de Jehova cayo en el Sinai)

Ja yip ja Je`oba, ko`i ja b`a Sina`i.

Ja wits nijkî yuj ja Dyosi , ti ajyi tiwi,

//Ja Dyosi ti ajyi tiwi // ja wits jawi nijki

yuj ja Dyosi ti ajyi tiwi.

21. Kechani b`a kristo D

(Solamente en Cristo)

Kechan b`a Kristo, kechan b`a ye`na

Ja jkolta jeltiki, tey b`a ye`na.

Mey pilan b`î ilal, ak`ub`alkitik.

Kechan b`a kristo, kechan b`a ye`na.

22. Ja b`a tsomjel iti E

(En esta reunión)

Ja b`a tsomjel iti Kristo tey aya,

ja ye`n yalonej ti oj ajyuk.

Ja b`a b`ay chab`e ma` oxe, ja b`a j b`î ili.

Ti oj ajyikon, ti oj ajyikon, ti oj ajyikon.

23. Katiki ts'akatal ja kajwaltiki **D**

(Demos gracias al Señor)

\\ Katiyi ts'akatal ja kajwaltiki,

Sok ja syajtaneli. //

\\ Ja yal chani, wa stseb'aniye,

wa stoyowe, ja Kristo koltanumi .//

24. Ja syajal ja k'ujoli **D**

(Tu fidelidad)

Ja syajal ja k'ujol jel niwan,

Ja syajal ja k'ujoli mini jas oj slaja,

mini june` ja jastal ja we`ni kajwal,

niwan ja syajal ja k'ujoli.

25. K'e`an kajwal **Am**

(Levántate Señor)

\\ K'e`an, Kajwal, k'e`an jDyos.//

Ja wa kondra wa xwajye,

ja manaka toji gusto ajyuke.

Oj b'ajtuke, b'a gusto`il,

Ja k'ulanta ganar sok ipal.

26. Libre ja ke`ni libre xa ayon **G**

(Libre yo soy libre)

Libre, libre xa ayon

Ja jas mochan sok, ja jmuli k`utsta.

Libre, libre xa`ayon,

B`a oj ts`eb`onta`, b`a oj b`ajtikon, b`a gusto`il.

Jk`ulanta ganar , ja jkondra`i,

Sok ja xchik`el, ja Jesukristo libre onxa.

27. Ja Kristo wa syajtayon **A**

(Cristo me ama)

Jel yaj xyabyon ja Jesusi, jach wa xyala ja yab`ali.

Spetsanil k`ak`uj wa stalnayon,

Jel ja yutsil ja sk`ujoli.

Coro: Ja Jesukristo

Jel yaj wa xyabyon

Jel yaj wa xyabyon

Ja Jesukristo`i.

II.- Jel yaj xyabyon ja Jesusi,

Ya`a sb`aj yuj ja jmuli,

Sak`awon sok ja xchik`eli,

Wa xya`a kip ja kristo`i.

28. Pek' ta jba' ja ke`ni **D**

(Me has unguido a mi)

Pek' ta jba' ja ke`ni, sok yetsel jel gusto,

Ja wata ki, jun jk'utsil jel tsamal,

Sok jun jkorona b'a mok och jtriste`il

Sok stoyjel mej , ki oj cham k'ujol.

29. Olom teyleb' **D**

(Cabeza, hombro)

Olom teyleb', \\ xijk'an ja koktiki ///

\\ jk'ab'tiki , b'a oj ts'eb'ontatiki ja Dyosi //

30. K'ulanta pensar **C**

(He decidido)

\\ K'ulanta` pensar oj tsajla` ja Kristo ///

Mi` oj kumxikon b'a jpatiki,

\\ Ja jastalon ajyi, katakani`, ///

Mi oj kumxikon b'a jpatiki,

\\Ja rey ma` ay yipi, stukb'esonta.///

Mi oj kumxikon b'a jpatiki.

31. Kristo tey b'a kaltsili D

(Cristo esta en mi corazón)

\\ Kristo tey b'a kaltsili //

Takal wa sk'ojtsin ja pu`erta jamayi,

Kristo tey b'a kaltsili.

32. Ja Dyosi tey ili. D

(Dios esta aquí)

Ja Dyosi tey ili, ja jastal ik' wa xjak'a.

ja jastal wa x-elken ja k'a`uji.

ja jastal wa xtoyo, sok wa smaklayon.

33. Dyos tey jmoktik ja kentiki. D

(Dios se mueve entre nosotros)

Dyos tey jmoktik ja kentiki, sok ja yipi tey ili.

Spetsanil, ja b'a yaji wa xwaji`,

ja Dyosi tey jmoka.

34. Spetsanil oj b'ob'uk E

(Todo es posible)

Spetsanil oj b'ob'uk, ta oj ja k'u`uki,
Spetsanil oj b'ob'uk, ta oj ja k'u`uki ,
B'a sk'u`ajel wa xnijki ja sk'ab' ja Dyosi,
Sk'u`ajel, ja b'a yab'al .
Spetsanil oj b'ob'uk, ta oj ja k'u`uki.

35. Ay b'a jutsin ja lo`ili D

(Hay momentos que las palabras)

\\ Ay b'a juts'in, ja lo`ili mi sta`a.
b'a oj kala wab' ja jas wa xkab'i, lekil Jkoltanum. //
\\ Ts'akatal lek , yuj spetsanil ja jasa k'ulani`,
yuj spetsanil jas waxa k'ulani,
sok spetsanil ja jas oj cho` ja k'uluki. //

36. Ja b´a b´ay ja yespiritu ja Dyosi. A

(Donde esta el espíritu de Dios)

Ja b´a b´ay ja yespiritu ja Dyosi, ay libre`il, ay libre`il,

Ja b´a b´ay ja yespiritu ja Dyosi , ja tiwi , ay libre`il

Libre`il, libre`il, libre`il, libre`il

Ja b´a b´ay ja yespiritu ja Dyosi , ja tiwi, ay libre`il

37. Ay jun ja` ja b´a ke`ni A

(Hay una fuente en mi)

\\ Ay jun ja` ja b´a ke`ni, wan b´ojtel,

wan spamjel sb´aj, ja b´a kojoli. //

\\ Jun yok ja` b´a stseb´oj, sok b´a stoyjel,

ja b´a wa b´aj we`na kajwal Jesús, îaj.//

38. A`a ajk`ach b`ikon Kajwal Jesús D

(Renuevame Señor Jesus)

A`a ajk`ach b`ikon, kajwal Jesús, mixa xk`ana oj ajoyikon junxta.

A`a ajk`ach b`ikon, kajwal Jesús, a`a ochuk ja b`a ke`n ja wa waltsili.

Yuj spetsanil ja jastik ay, ja b`a kojoli.

Wa sk`ana oj tukb`uk kajwal.

Yuj spetsanil ja jastik ay, ja b`a yoj kaltsili,

Wa sk`ana lek ja b`a We`ni.

39. Ja kelotikon kajwal D

(Venimos ante ti Señor para adorarte)

Ja kelotikon kajwal, b`a oj jtoy a`tikon Jrey

Ja kelotikon kajwal, b`a oj kitstikon, ja wa wipi jDyos.

Mas lek ja ti aya, yuj sak`anili

jun alegre`il oj k`el xuk, ja wa tsamalili.

Ti ajyitikon nolan, ja b`a wa yajtaneli

Mas lek ja ti aya.

40. B`utuwon sok ja wa wipi. A

(Llename con tu poder)

\\ B`ut`uwon, /// sok ja wa wipi.

\\ B`ut`uwon, /// sok ja wa wipi

B`ut`uwon kajwal ja b`a wa, wateli a`tijikon.

///B`ut`uwon /// sok ja wa wipi.

\\ A`a tojb`ikon /// sok ja wa wipi.

\\ A`a tojb`ikon /// sok ja wa wipi.

Tojb`ukon kajwal, ja b`a wa wateli a`tijikon.

\\ A`a tojb`ikon,///, sok ja wa wipi.

/// A`aki ja`/// sok ja wa wipi.

/// A`aki ja`/// sok ja wa wipi.

A`aki ja` kajwal, ja b`a wa, wateli a`tijikon. //A`aki ja`///,

sok ja wa wipi.

41. Ja yuntikil ja Sióni E

(Los hijos de Sión)

Ja yuntikil ja Sioni, wa xgusto axiye

Wa stoyowe ja sb`i il sok b`ajtel,

Sok pandero sok guitarra, wa sts`eb`ontaye,

Wa sts`eb`ontaye ja ye`ni.

\\ A`a`aleluya A`a`aleluya A`a`aleluya stoyjel b`a rey //

42. Spetsanil ipal E

(Toda la gloria)

Spetsanil ipal b'a Jesús,
Spetsanil yajtanel b'a Jesús'
Spetsanil ts'eb'oj b'a Jesús.

Oj yajtatik ja Jesusi.

43. Spetsanil ja jas wa xyi`aj ik' E

(Todo lo que respira)

\\ Spetsanil ja jas wa xyi`aj ik', oj stoy ja Je`ovaji.//
Oj stoy- e ja k'a`uji sok ja nan ixawi sok jpetsaniltik.
\\ Toyo sok k'ulan bendisyar ja sb'i`il ja Je`oba. //

44. Ja jmuli kusub'alxa E

(Mis pecados son borrados ya)

Ja jmuli kusub'alxa, Ja jmuli kusub'alxa.
Ja Jesusi smukuta b'a cha`anil ja`.
Ja jmuli kusub'alxa,

45. Wa xna`a sb'aj jun winik ma` ay

yip E (Conozco a un hombre de poder)

Ay jun winik ma` ay yip,

\\ Jun winik ma` ay yip //

Ye`n wa skoltayon b'a oj k'ul ganar, ja sb'i`ili Jesús.

\\ Mas tsats ke yuj ja ik' sok ja niwan pampa ja'i.

Mix ch'ak ja syajtaneli, sok ja oj jk'u`uk ja ye`ni. //

46. Ja xchik'el ja kristo E

(La sangre de Cristo)

\\ Ja xchik'el ja Kristo ay yip, b'a oj ya eluk ja jas mi lekuki.

//

Ja chik' ay yip b'a Jesús

Ja it spek'a ja b'a krusi, malanxa sok ja b'a ke`ni.

47. Dyos wa stalnayon Em

(Dios es nuestro amparo)

Dyos wa stalnayon, Dyos wa skoltayon,

Ye`n wa xya`a kip ja b'a jwokoli.

A`nima wa x-ek' ja b'a yoj ja`,

Ma' ja lu`um wa xnijki.

Oj ts'eb'ontatik.

48. Ja ke`ni gusto axiyon ja ma`

yalkab`i Em (Yo me alegre con los que me decia)

Ja ke`ni och gusto`il ja ma` wa xyakab`i b`a snaj Je`ova oj wajtik.

\\ Ti oj ajyikon// b`a snaj Je`ova oj wajtik.

49. Ja yespiritu ja Dyos ta` tey jmok

Em (Si el Espíritu de Dios se mueve en mi)

\\ Ja Yespiritu ja Dyos ta` tey jmok oj ts`eb`anikon jastal Davil. //

\\ Ts`eb`anikon // ts`eb`anikon jastal Davil.

\\ Ts`eb`anikon // ja yespiritu ja Dyos ta` tey jmok.

Oj pak`tsuk.

Oj toye.

Oj b`ajtikon.

50. Yama` ja jk`ab` Kajwal. C

(Toma por favor mi mano Señor)

Yama` ja jk`ab` Kajwal, wa xk`ana oj wajkonamok.
Sok jawa chik`eli ja tupuwon, wa xk`ana oj jnoch-a.
Wa xk`ana oj jk`ul ganar, sok b`a slekil oj ajyikon.
Yama` ja jk`ab` Kajwal, wa xk`ana oj wajkonamok.

51. Jun yajk`achil lu`um D

(hay una tierra nueva)

\\ Jun yajk`achil lu`um // ja b`a b`ay Jesusi.

\\ Jun yajk`achil lu`um // ja b`a b`ay Jesusi.

\\ Ti wa xk`ana oj wajkon // ja b`a b`ay ja Jesusi.

\\ Ti wa xk`ana oj wajkon // ja b`a b`ay ja Jesusi.

\\ Mixa oj ajyuk wokok // ja b`a b`ay ja Jesusi.

\\ Mixa oj ajyuk wokok // ja b`a b`ay ja Jesusi.

52. Mini sak tak'in sok xliipi tak'in ki'oj

G

(Ni plata ni oro)

Mini sakal tak'in sok xliipi tak'in ki'oj

Ja jas ki oji oj kawi

Ja b'a sb'i'il ja Kristo Jesusi

Wa xkala wab'i k'e'an

//Ti b'eji'a sok b'ajti sok stoyo ja Dyos//

Ja b'a sb'i'il ja Kristo Jesusi

Wa xkala wab'i k'e'an.

53. Tojb'es ja wa naji b'a ton G

(Levanta tu casa)

///Tojb'es ja wa naji b'a ton///

Oj alb'uk.

Mey ipal b'a oj ch'ay

snajel ja yab'ali.

54. Ajyanik gusto'il D

Estad siempre gozosos

1 Tes. 5:16-18

//Ajyanik gusto'il, k'umanik ja Dyosi//

K'anawik ts'akatal, ja jastal wa sk'ana

//Ja Dyos ja b'a ke'ntiki ja b'a Kristo Jesusi//

55. B'a oj k'ikotik ja b'a Kajwaltiki

A

Para edificar en el Señor

B'a oj k'ikotik ja b'a Kajwaltiki

Ay chane' ja jas oj neb'xuki

Kechani chane' ja b'a

Oj k'ikotik.

Sk'ulajel b'a stojil.

B'a sti'empo'il b'a stojil.

Ja b'a jastalni stojili.

B'a skoltalajel stojil.

56. Ta ayk'a juna Bibli'a, k'uman

Si tienes una Biblia, leelá

Ta ayk'a juna Bibli'a, k'uman

Ta waxa k'uman k'u'an.

Ta waxa k'u'an, k'ulan.

Ta waxa k'ulan, je'a'.

Ta waxa je'a', gusto'axan

Jelni ja jasa', Jelni ja jasa', Jelni ja jasa' wila',

Gusto ajyan, yuj ja lo'il iti sak'an.

Gusto ajyan, yuj jitsan sat oja wile'.

57. Ye`n sk'ulan ja k'a`uji **C**

Ye`n sk'ulan ja k'a`uji sok ja nan ixawi sok ja k'anali amen.

Ja witsi sok ja niwan pampa ja', cho ye`n sk'ulanon ja yuj

wa xyajta, ja kajwal Kristo ja Dyos ma ch'ak sk'ul

spetsanili, ja ma wa skoltayoni.

58. Kristo sak'an EM

// Kristo sak'an// sak'an

Ja Kajwaltiki sak' wuji. Amen.

Ja b'a strono kulani. Amen.

//Sok tini aya// Ja ye`ni ja kumni`a.

Jel ja yip ja Kristo

Jel ja yip ja Dyostiki

Sok yip sk'ulan ganar

Ja kadena sk'utsuj

B'ajtan,chanan, pak'tsun, ala`

// Awanan tsats ye`na ja toni

Ye`na ja toni b'a jkoltalaje//

59. Ja Je`obaji skoltayon **G**

Ja Je`obaji skoltayon b'a mi oj sk'ux-on ja choji.

Ja Je`obaji skoltayon b'a mi oj sk'ux-on ja oso.

Ye`n oj cho' skoltayon oj skoltayon oj skoltayon ja b'a
sk'ab' ja Piliste`o oj skoltayon, oj skoltayon.

60. Oj ts'eb'onta

Dm

Baruj jashem avinu melejan lagim

Jel tsamala', yuj we'n rey atikon

Baruj ata adonai, elojeinu meleja olam

Jel tsamala` Kajwalatikon; b'a spetsanil

Oj tseb'onta

Ha kadosh, baruj ju. Baruj jashem

Jel tsamalaj, yuj ja wa b'i il, jel to`aj

Oj ts'ebonta meshejeinu, malateinu Jeshua teinu

We'na tsa oj b'ala we'na, ja rey Jeshua.

61. June`, chab'e', oxe' E

June` chab'e oxe ja pukuji mey yip.

Chane` jo`e wake`

Wa xb'ata sok ja koki.

Juke` waxake` b'alune` a`ma yaj wa xyab'i //Aleluya//

stoyjel b'a Dyos.

62. Kristo sak'an, Kristo sak'an D

Kristo sak'an, Kristo sak'an ///Oj toytik///

Ja Jesukristo sak'an.

//Jtoytik ja Kristo, jtoytik. Jtoytik ja Kristo jtoytik//

Kristo sak'an, Kristo sak'an sok ti oj aj yuka.

Kristo sak'an, Kristo sak'an ///oj toytik///

Ja Jesukristo sak'an.

63. Ja kristo jakumxa

Ya cristo viene

Ja kristo jakumxa

Ay jas wan ek'el

ma` sta`a skoltalajel oj yi`e`

Ma` xch`ak wa`yuk oj kanuk

Ma` chapan oj jwaj sok ja ye`ni.

/// Oj wajkon sok/// mi oj kankon oj wajkon sok

/// Toj ajyikon /// oj wajkon sok toj ajyikon.

64. Toyo` ja Je`obaj G.

Alabad a Je`obaj

Toyo` ja Je`obaji ja petsanalex jpetsaniltik jtoytik

Yuj jel niwan juntiro ja syajal sk`ujol jmortik

//Ja smeranil b`a Je`obaj b`a juntiro aleluya amen.//

65. Yuj ja syajb`el ja Jesusi G.

Por las llagas de Jesùs

Yuj ja syajb`el ja Jesusi

Yi`a ja jyajb`eli

Ja yuj ja chik` spek`a

Ja jmuli ye`n sak`a, yuj ja xchik`el ja Jesusi

Ya` sakb`uk ja jas wa xna`a.

Ja syajal sk`ujol ja Dyosi, smana` b`a libre ajyikon

Jitsan jitsan jab`il, ja yaj chej oj jtoye`

Sok ja ma` sta`a skoltalaje`li ti ajyikon soka

Jitsanlek sok jitsanlek, ja yal chej oj toye`

Sok ja ma` sta`a skoltalaje`li ja Jesukristo oj kile`.

66. Ja xchonab'il ta wa stoyo` E.

Si el pueblo alaba

//Ja xchonab'il ta wa stoyo`

// ay jas wa x-ek'i//

Tsamal juntiro//

// Oj tojb'uk kotik, libre'il

Wa xchiknaji ja yip ja Dyosi//

67. Ja chik' spek'a` ja Kristo G.

La sangre que derramo Cristo

Ja chik' spek'a` ja Kristo yuj ja ke`ntiki

Wa snutsuj ja pukuji sok smoj b'a mi lekuki

Ja smeranil b'a Dyosi, wa xya` elkotik b'a k'ik'inali

Wa xyi`ajan lijpum slamanil sok jijlel sok tojb'el.

//Ja yajtane`li sje`a sb'aj, ja ya`kitik ja yespiritu santo,

b'a b'ejyitik b'a mixa kumxitik.

Ja sb'i'il ja Jesus, wa xya` k'oxikon

Sok oj b'ob' ts'eb'onta, sok libre'il.

Juke`tik'e` jas xmakuni, b'a Dyos yakani

B'a jk'u`axuk, b'a jk'ikotik b'a jk'ultik ganar

// Ya` ojne jkiptik b'a jk'ultik mandar sok ipal//

68. ¿Machunk'iluk jastal we'n, Je'obaj? E.

(¿Quién como tú, oh Jehová?)

E B⁷
¿Machunk'iluk jastal we'n, Je'obaj? Mi ma' sla'aj jastal ja
we'ni.

E /E⁷ A /Am
Jelni toja juntiro'a, ojni ts'eb'ontajan leka.

E /C[#]m F[#]m /B⁷
Jelni niwana'a, Kajwal, Jel niwan ja wa b'íili.

E A E
¿Machunk'iluk jastal we'n, Je'obaj?

69. Ye'na ja toni C.

(Él es la roca.)

C C⁷
Ye'na ja toni, jelni toja ja ya'tela,

F C/C⁷
Jelnaka toj ja sb'ejí:

F C Am/Dm G⁷ C
Dyos b'a meran, meyni ay smula': jelni toj ja Ye'ni.
C⁷ F C/C⁷

Jelni toj ja Ye'ni. Aleluya. Jelni toj ja Ye'ni.

F C Am/Dm G⁷ C
Dyos b'a meran, meyni ay smula': jelni toj ja Ye'ni.

